

- 19(18). Pronotum apice strictura annuliformi nulla. Alarum areola hamo distincto instructa. Oculi pronoto numquam incumbentes.
- 20(21). Corpus opacum vel opaculum. Clypeus crassus, latus, haud carinato-compressus. Pronotum margine apicali medio sinuato, lateribus sæpe teretibus, antice interdum subtiliter marginatis. Prostethii mucro raro planus, plerumque excavatus, marginatus, rarissime convexus. Scutellum basi detectum. Ungvuli sæpe dentati vel bifidi. Corpus supra plerumque nigro-hirsutum. ONCOTYLARIA REUT.
- 21(20). Corpus saltem supra nitidum. Clypeus sat angustus, plerumque distincte carinato-compressus. Pronotum lateribus numquam marginatis. Prostethii mucro convexus vel planus, numquam excavatus. PLAGIOGNATHARIA REUT.
- 22(1). Ocelli distincti et magni. Caput verticale. Membrana biareolata, apice areolarum interdum venulam emitte. Alæ hamo nullo. ISOMETOPARIA REUT.

Divisio TERATODELLARIA REUT.

Genus unicum: **Teratodella** REUT.: Corpus planum, oblongo-ovatum. Caput porrectum, latitudine longius, vertice immarginato, loris haud discretis. Oculi magni, apicem pronoti attingentes, fortissime granulati, latera capitis tota occupantes. Antennæ corpore dimidio longiores, articulo primo clypeum paullo superante, secundo primo fere duplo et dimidio longiore, tertio primo æquivalongo. Rostrum coxas posticas superans, tenue, articulo primo capite paullo brevius. Pronotum trapeziforme, apice strictura angusta, sed distincta instructum, lateribus pilis brevibus rigidis ornatis, præsertim postice acutis, ante angulos posticos prominentes sinuatis, basi late sinuata, disco medio canalicula tenui. Scutellum basi detectum. Hemelytra abdominis longitudine. Femora antica posticis haud subtiliora. Coxæ anticæ longæ. Tibiæ muticæ. Tarsi articulo secundo tertio duplo longiore. Mesosternum posterius convexum, medio sulcis duobus carinam tenuem intermediam includentibus. Metasternum apice obtusangulum.